

藤香館詩存

卷二



832141

藤香館詩刪存卷二

壬戌

槐庭以綠意紅情兩詞調為詩清麗芊緜觸我幽緒

卽次原韻二首

蕉闌竹徑景全非  
黛減眉梢翠減圍  
梅萼仙人標格異  
桐花么鳳羽毛稀  
澤能在髮容先幻  
葉已成陰夢不歸  
金谷園荒珠久碎  
登樓憑弔獨依依

綠意

羅襦繡帕總飄零  
血淚何由寄杳冥  
北地胭脂春易老  
東華塵土夢難醒  
香魂舊住薔薇院  
綺思新繁芍藥亭  
躑躅

藤香館詩刪存卷二

滿山香滿徑  
雪兒遺曲不堪聽

紅情

前詩意有未盡再爰原韻

翠袖天寒景物非  
楊枝空憶舊腰圍  
病中結束衫痕慘  
劫後飄蕭鬢影稀  
幾見瓊華能再世  
可憐青冢枉思歸  
開匳螺黛分明在  
留與新人舊樣依

綠意

一夜濃華作雨零  
還丹無術度幽冥  
守宮枉自誇顏色  
執拂何人管醉醒  
綃帳虛懸魂渺渺  
猩屏長隔影亭亭  
桃花箋紙供題恨  
多恐傷春客倦聽

紅情

另韻轉索槐庭作和

偷聲巧變影香詞  
翠黛先教繫夢思  
楊柳樓臺春淡冶  
芭



蕉庭院境迷離閒階雨過苔爭活大地風和草暗知可惜  
鬢毛今點雪黃裳不是少年時

綠意

春困初醒臉暈霞十分愁緒寄風花唾壺舊貯思鄉淚句  
漏新分駐景砂名士斷難除綺習美人爭肯負鉛華彩毫  
合向羅虬借爲寫新詩護絳紗

紅情

### 舟中追悼沈姬四首

一夜春江長碧波雨絲風片奈愁何傷心十里章門路桃  
葉曾經打槳過

王粲從戎早辦裝臨歧把袂太淒涼而今又唱陽關曲泉  
下知流淚幾行

### 藤香館詩刪存

卷二

二

墓門春草碧於茵私向東風問夙因江水茫茫魂渺渺可  
能相傍遠行人

煙柳絲絲繫客船新愁舊恨兩纏綿傷春不盡因春去春  
去傷春倍黯然

### 楊花曲

不見楊花開但見楊花落開時何纏綿落時何輕薄妾心  
纏綿君未知空牀徒倚長相思君心輕薄何堪數青樓大  
道方歌舞一歌楊叛兒再歌楊白花花開又花落蕩子常  
離家可憐往事如流水芳春寂寞紅顏死死後癡魂化作  
萍隨君飄泊河之渚

春歸曲

鷓鴣聲聲勸春住杜宇聲聲勸春去東君去住兩徬徨日  
日江頭作煙霧江頭煙霧何淒迷客舟繫在西江西舟中  
送春人送客落花狼籍流鶯囀紅閨女兒不解事嬉春但  
覺春光媚驀見新陰上畫樓春闌也灑傷春淚春去隔年  
回客去何時歸還將此日傷春意寄語天涯客子知

舟泊南康

廬山九疊青浮郭蠡水千尋綠遶城山水蒼茫自終古可  
憐城郭太淒清填街瓦礫人煙斷遮道蓬蒿獸跡橫過客  
閒遊增歎息遺民談往幾吞聲

藤香館詩刪存

卷二

三

順風過彭蠡湖

日日傷羈滯今朝顧盼雄始知風順逆不異境窮通迎送  
羣峰轉津涯四面空湖天真浩蕩覽勝片帆中

湖口縣

天風吹我度雲關湍急崖危不可攀一氣混茫彭澤水萬  
聲鼓盪石鐘山地分楚尾吳頭界城在層巒疊嶂間到此  
襟懷增灑落臨江灑酒破愁顏

弔檀江州墓

自澆杯酒弔江州萬里長城土一邱山激鐘聲湖激浪哀

如答白符鳩

皖江雜興四首

周室昔分封皖伯爲小國壤與舒桐鄰勢難吳楚匹漢帝  
侈巡遊鑾輿一駐蹕灤山代南嶽望祀親登陟摩空起天  
柱峰巒鬱秀特大江從西來襟帶環其側地形控中原天  
塹限南北英雄講用武此邦實要域時艱賊未平重鎮資  
柱石

泱泱清水塘旁有余闕墓墓門叢荆榛墓道穴狐兔公昔  
守舒州烽火逼古戍全家爭赴義臨難無疑豫碧血萇宏  
飛雪浪靈胥怒留此土一坏氣作山河助表章賴賢吏忠  
骨永培護儻再補崇祠尤可伸仰慕近多死事臣靈爽宜

相附

藤香館詩刪存卷二

四

長江圖籌遠吾思李臨淮

李藹如方伯昔開皖藩繪長江籌遠圖徵題及余

巾扇

洵風流拓此吟嘯懷談兵惜紙上遺蹟旋沈埋煙塵迷十  
載盤踞狼與豺堂堂曾南豐力能橫流排沿江列舸艦夾  
岸馳騏駟楚材會風雲皖公消陰霾流亡日漸復負戴來  
荒街我欲譜饒歌才薄音難諧

我爲皖北人足未涉皖江往日昇平時衣冠稱大邦節鉞  
此都建來往排吳艦龍山會名士分韻吟蘭芷巍巍大觀  
亭黛色浮軒窗我來抑何暮駭浪相衝撞十里稀人煙市  
廛如空甃望門覓投止逆旅言紛曉江山自千古憑弔雄

心降

和曾揆帥克復七城四隘詩原韻四首

東下樓船卷白波  
喜聞諸將各調和  
長江一洗豬龍孽  
壯士兼收曳落河  
鯉魚風起滿江腥  
海若馮夷各效靈  
回首孫曹征戰地  
濡須野鴨草青青

千尋鐵鎖跨江橫  
險絕天門舊有名  
博望而今重策馬  
蛾

眉如畫倍分明

天門山一名蛾眉山

武庫羅胸肅電霜  
軍需十萬唱籌量  
風聲鶴唳王師壯  
漚水功名史乘光

小孤山

藤香館詩刪存

卷二

五

一峰直上摩蒼穹  
浮嵐積黛江之中  
上有神女居琳宮  
碧紗帷幔輕煙籠  
風裳水佩殊雍容  
明璫翠羽妍且穠  
恍如洛浦翩驚鴻  
又疑楚岫朝雲封  
妙齡垂髻稱小童  
瓔珞寶蓋披重重  
無郎寂靜棲孤峰  
主持水國馴虬龍  
往來過客爭朝宗  
香花爛漫酒醴醲  
巽爲少女宜司風  
虔誠乞援窮從鸞吟鶴嘯聲  
和囉塵尾一拂煙塵空  
層霄但見青濛濛  
老蛟潛伏潛無蹤  
江豚晝匿波光融  
萬舟踴躍忙篙工  
逆流西上順流東  
海門砥柱當銘功  
刊謬何必誇詞鋒  
迂儒

考據多雷同我來但看青芙蓉

馬當

憔悴征塵鬢有霜吟毫禿盡興頽唐長途不作乘風想細  
雨如煙泊馬當

潯陽感興二首

滿天煙雨繫孤篷九派江聲到此雄烽火未銷諸將在藩  
籬久撤八蠻通風波馳驟誇人巧樓閣高低鬪鬼工中外  
豈真無畛域漢家長策是和戎

白傅風流渺弗存琵琶聲斷水雲昏孤亭一角成焦土過

客千年有淚痕如此江山淪浩劫可憐花月黯消魂居民

藤香館詩刪存卷二

六

野哭知多少司馬閒情且漫論

阻雨通遠驛題壁

年來蹤跡慣天涯又向長亭繫客車山氣蒸成騎月雨宦  
情闌似殿春花江湖載酒澆愁塊戎馬驚心改鬢華自斷  
此生飄泊定蓬廬到處便爲家

王霞軒太守同年

必達

招校南昌府試卷漫興二首

少小讀書史不幸出爲吏叢雜簿書忙荏苒文字廢見獵

輒心喜鉛刀時一試花縣昔掄才錙銖嚴殿最自從喪亂

來飛騰銷壯志賸此憐才心耿耿結寤寐蕭辛收妙詞

甲愛新意劍氣出豐城毋爲辭燭祕

西江盛文物宗派昔所誇廬陵及南豐鉅製炳雲霞臨川  
非純臣論文實大家後來帖括興五家窮幽遐白戰淨冰  
雪黃流淘泥沙淵源溯有自正聲無淫哇胡爲童子軍撫  
拾爭浮華琳瑯迷五色得非老眼花

王小初太守招校瑞州府試卷途中有作四首

千旌子子下筠陽檢點丹鉛入錦囊江上青山如揖客吟  
情先落白雲鄉

緩緩籃輿郭外停扶筇親訪聘君亭南州尙有陳蕃榻一  
夕能留處士星

山抹微雲樹宿煙引人人勝是林泉儻從玉笥峰頭過梅  
福相逢便學仙

藤香館詩刪存

卷二

七

碧落山前暮靄霏依稀重入五經闈十年春夢如流水卻  
爲他人作嫁衣

醉歌留別小初

王郎能詩不能酒坐有酒人輒顛首拔劍斫地雖自豪不  
飲豪情何所有我生凡百無營求但願一杯常在手筠陽  
校藝將帀月軟腳蹒跚如老叟醫來視疾故深文痛詆杜  
康爲損友勸我嚴守翹檠戒渴殺劉伶涎在口僕夫治任  
作歸計主人爲我置大斗金銅仙人承甘露茂陵劉郎一  
笑受直從頂上灌醍醐不覺胸中脫塵垢再接再厲罰停

蓋十盞十決筮盈岳白眼向天忽長嘯河漢當頭吞八九  
王郎謂我有醉態僊僊恐蹈愆儀醜勸君勿爲老顛慮漏  
卮但自防監守飲無卜夜論本迂坐有亡酒法宜糾晚風  
習習扇涼信觴政正須重抖擻今宵話別暫盡興何日登  
壇更戰拇酒闌倚楫作長歌離情繫上津亭柳

聞仲兄典試西江喜賦

朗朗元燈照十年沫氐人誦白雲篇科名老輩宜傳鉢湖  
海名流願執鞭驄馬南來持使節軺車夜發應魁躔先驅  
負弩忙津吏笑我風塵望若仙

池上玩月

藤香館詩刪存卷二

月與水一色月明月更明魚吹泡影動鷗睡漲痕平幽逕  
滅人迹遠村聞吠聲夜涼閒伫立秋氣不勝清

贈夏曠甫大令

變

眼倦風塵鬢拂霜應官不抵著書忙公卿折節尊名士圖  
史傳家作宦囊淥水紅蓮賓入幕曾揆帥招入幕府青山白紵客  
思鄉談經各擅無雙譽兼謂韜甫先生想見元方埒季方

哭淮生仲兄四首

罡風一夕折輪囷

貢院門首旛竿忽折其一占者謂應在主試

梁木摧殘應哲

人千佛名經傳鉢日十年清祕著書身歐梅空結同官契

坡穎翻思再世囚八百孤寒齊下淚西窗聽雨倍傷神

元燈接武煥 皇州辛酉分校北闈使節重持 帝眷優

奎宿遙看聯翼軫天衢曾未騁驂駟兄歿於閏八月藥籠

誤蓄參苓毒誤服補劑匠斲先傷杞梓愁玉宇瓊樓竟歸去人

閒淒絕閨中秋

頻年畿輔警傳烽霜雪方知秀在松飛疏驚天能擊鷲兄在

諫垣疏劾端肅留中免冠搶地苦攀龍先帝巡幸熱河及身兄上疏泣留亦留中

幸見朝綱肅忍死無忘 聖澤醲名在 御屏宜大用

西江遠爾隕詞宗

重簾執手淚交加監臨沈幼丹中丞邀余入簾視疾 僂指殷殷算榜花病

在膏盲猶諱死心存 君國久忘家無兒撫姪鄉關隔有

藤香館詩刪存卷二

九

弟驚秋旅鬢華痛絕左思嬌女小金臺計日盼輶車

贈李生子長宗庚二首

社會散如雨鴛湖慘不波奇因續香火浩劫歷千戈霜雪

孤芳少風塵溷跡多相期奮雲路吾道未蹉跎

說士甘於肉生平一片心卽今悲斷梗猶自戀同岑感舊

吟情澀論交意氣深鍾期將有待莫漫理瑤琴

癸亥

李少荃中丞奏調赴滬留別章江諸同人二首

徵書隔歲下章門落拓閒官荷 主恩鍛羽三年憐趙壹

聞雞一夕起劉琨詩情遠寄梅花驛離緒新縈柏葉樽自

愧才疏難報稱沖霄詎敢擬鵬馮

琴囊笑解換弓消馬影雞聲出近郊  
烏鵲乍離三市樹鷓鴣猶戀一枝巢  
虛名謬負南州望騰笑深防北隴嘲  
殺賊未能能草檄捷書他日報知交

出進賢門詣別仲兄殯宮順過沈姬墓二首

春草碧如此悲哉蔓草人無家魂是客  
死別老傷神痛哭自茲去連牀再世因  
看雲誰憶我腸斷馬頭塵老淚哭兄竭  
哀思到汝輕家庭須論分太上豈忘情  
縑素分新故離憂及死生從軍曾尼止  
泉下的心驚

自章江賃小車至潯陽旅舍題壁四首

藤香館詩刪存

卷二

十

老我重乘薄笨車江城雨後路如酥  
襦衫破帽無官樣半似山人半似儒

腰鼓瑟瑟報賽忙社前燈後好風光  
桑榆影裏村翁醉春草如茵臥夕陽

眞面廬山認最難屏風九疊倚雲端  
何時淨洗風塵眼臥向東林寺裏看

野店淒涼下榻遲一燈面壁自題詩  
狂吟不作千秋想紅袖憐才或有之

火輪船行

古聖制器禁淫巧舟車所至軌度同  
山行澤行兩不紊各

執藝事遵考工掌火勿使治水國爲輪焉可施矇矂聰明  
智慧匪不逮人力未肯爭神功泰西重譯議互市番舶絡  
繹來南東壯猷方叔講禦敵納幣孟樂求和戎從茲奪我  
舟楫利風濤馳驟驚蛟龍我生守拙羞鬪捷望洋奚肯蠻  
語通長江千里阻賊盜海門一綫留吳淞裏糧糈被姑就  
此登舟駭視疑鮫宮黃鬢碧眼逞狡獪綠窗粉壁誇玲瓏  
沙棠堅緻鑄白鐵火瑄燿磨青銅兩輪相向勢迅疾雙  
環暗綰聲琤琮中閒樞紐各自備旋轉略仿候辰鐘煙燄  
一發關振動陵輓海若驅豐隆以火煮水水陡沸以輪踏  
波波怒衝錢江射潮奮鐵弩平原較獵馳花驄好山好水  
一霎過眼花撩亂無停蹤晝發潯陽暮皖國夕陽明滅龍  
山峰夢迴日出見白下江南江北青濛濛老酋睨視不假  
道時粵賊踞金陵旌旗搖曳張城墉外夷威足懾內寇胡爲盪寇  
無英雄欲圖攘外先靖內沿江何日清狂烽臨風擊楫三  
歎息自斟濁酒澆心胸蜃樓海市忽復近春申山黛浮杯

中

戎幕雜興四首

罷官作幕賓傭書講韜略韜略亦空談老我毛錐託倚馬  
筠篔飛磨盾松煙落檄曹愈頭風諭蜀安廣莫古人重實  
用帷幕資繩削今人講虛聲爾我糜好箇千人皆唯唯一

士誰諤諤

英雄不得志往往棲人檐大府羅賢才山谷搜幽潛緩急備顧問得失相鍼砭匡濟見經綸餘事柔翰拈風塵厄老宿利用因此占非無主簿短亦有參軍髯喜怒未敢聞晝靜垂重簾

東南久淪陷滬瀆地一隅一隅控東南母乃形勢殊臨淮實人傑手握軍書符壯士磨純鉤上將塞螯弧淝水多英才濟濟風雲俱淞婁各底定閒道追亡逋請移奏凱軍一鼓下姑蘇

刁斗警深宵鼓角鳴清晝前營張旌旗後營排甲冑元戎

藤香館詩刪存卷二

三

出視師春郊如錦繡礮輪併一響鏡吹逞羣奏得得馬蹄驕浩浩人聲湊炬赫聳旁觀投筆爭思就軍門有揖客老守青氈舊

### 楓涇觀水戰

水師挑戰清風涇黃龍青雀排戰船蟻賊潛伏營門扃我軍控扼如建瓴須臾一旅出郊坳翼以舸艦排前汀兩軍相遇新發礮中流勢作交綏形一舟應敵一舟停縱橫穿插如流星水波劃破分畦町彼來此往淵無涇健兒駕舟如駕輪手撥篙槳何瓏玲神龍掉尾吞潛鯉大鵬擊水陵滄溟又如駿馬馳駟塵沙遮斷天容青礮輪陡發轟雷

靈彈丸所過血肉腥敵軍墨氣橫前脛一鼓功遂成犁庭  
俘囚纍繫拘以圍紅旗捷報喧郵亭鏡歌鼓吹聲東丁椎  
牛大會沽仙醪水鄉此戰瀆效靈詩成藉當燕然銘

偕沈書森太守

璋寶

錢君彥大令

寶傳

錢伯聲孝廉

卿鉢

小飲西塘舟中卽事感興四首

捷書新報復西溪雞犬無聲鳥倦啼那有閒情邀醉侶不  
堪醒眼對殘黎

一葉扁舟宿水隈人非舊雨懶追陪來禽青李黃柑酒都  
是江南載得來

鳩形鵠面話紛紛歷劫猶呼舊使君寄語魏塘諸父老閒

藤香館詩刪存

卷二

三

身不是出山雲

小隱何人坐石磯直鉤意釣賞音稀西風微動魚肥日多  
少漁翁滿載歸

書森太守招同人餞秋卽席賦餞秋曲七首

沈郎文酒足風流檀板金樽餞素秋偏是餞秋秋不見羣  
花如綺壓紅樓

雅度溫存望若仙芳情脈脈思緜緜芙蓉不作三春夢開

向秋江分外妍

南部煙花孰主持都官才調鎮相宜秋孃未老紅妝炫詵

與秋情恐不知

曾把琴心託鳳凰紅蘭無力傲風霜樽前譜出鴛湖曲不  
爲悲秋也斷腸

十萬金鈴護落花濃情冶態話周遮一年好景無多日風  
雨相留白帝車

福慧雙修幾擅名閒將院本問卿卿琵琶一曲秋心碎只  
願持螯過此生

老向秋風發浩歌望秋蒲柳奈愁何可憐十萬纏頭錦不  
抵青衫淚點多

### 洋涇消寒曲

海濱蜃氣結樓臺珠箔銀屏四面開小玉雙成花下使明

藤香館詩刪存卷二

十四

珠十斛曲中媒朔風一夜新寒透素娥青女嬋娟鬪紅袖  
香薰柏子濃綠窗影對梅花瘦江南名士喜溫柔買笑同  
爭第一流手把行中羅翠黛擅爐會上集貂裘紅裘烏帽  
聯蹤至瑤觴未舉先心醉拇戰機關一點通目成情事三  
分祕霓裳法曲講新聲乳燕雛鶯次第賡郎按紅牙防顧  
誤儂歌白紵暗傳情酒闌曲罷翩翩起彩雲一散魂消矣  
臨別殷勤手擘柑後期珍重芳牽芷風雪旗亭訪墜歡爐  
溫煙暖不知寒歸途喔喔黃雞唱猶有歌聲出畫闌

### 感興

極樂原無國溫柔竟有鄉笙歌邀醉舞詩酒逞疏狂永夜

喧蜂蝶連鑣肆犬羊吾生眞措大歡會觸悲涼

甲子

左季高制帥奏調赴浙領郡杭州恭紀二首

鸞章絡繹下征郵浙水重教起故侯讎綫才微三奉

詔先是羅壯節薦舉奉旨引見嗣李宮保奏調篠驂奉旨赴滬茲左制帥保奏奉旨赴杭州新任

人迓兩鳴騶李宮保先檄權嘉興郡篆旋改轅來杭功名漢代二千石形勝

吳山第一州劫火未寒資整頓豈徒判牘詡風流

吳越而今煥將星最難戎幕各垂青題襟南國隨黎獻謂馮

景亭潘玉痛哭西州失典型感羅壯節王壯愍王貞介諸大吏之逝泰伯城

邊離緒繞時駐常州軍營白公隄畔舊遊經一生肝膽酬知己異

藤香館詩刪存卷二

五

地何心判渭涇

入杭州城時新克復

去杭倏五年重來實蒿目數里一見人十室九無屋望望

徑似捷行行途反曲荒村斷雞犬官道走麋鹿烏鳶爭人

骸有骨已無肉蓬蒿沒人廬有草轉無木羣動寂不喧隱

隱聞鬼哭入城更愁慘此劫洵太酷土民僅子遺形面如

鳩鵠五方錯雜處循良失本俗語言習獷悍矢口談殺戮

有男帶刀劍有女披綺縠濡染賊氣深賊去留餘毒更有

奏凱軍振振服戎服功成勢益赫比戶事徵逐虐民視若

仇藐官故相觸撫緩兼駕馭才薄心慚慝舅姑雖見憐新

婦眉常蹙

孟蘭盆會歌

同治甲子中元節宮保左公大設孟蘭盆會薦禮  
陣亡將卒及官紳士庶之殉難者分三壇一設內  
城滿洲營一設西湖靈隱寺一設吳山城隍廟分  
班輪祭余得贊助其間作爲是歌

上元之年中元節彗孛無光氛祲滅萬家猿鶴招忠魂千  
里杜鵑啼淚血杭人敬鬼更敬佛樺燭蓮燈光射月左公  
剛直神所憚象教虛無那復說權衡但欲通輿情敬禮因  
之表忠烈庚辛之閒迭搆難江海橫流湖水決登陴守禦

藤香館詩刪存

卷二

六

節旄摧血戰臨戎寶刀折將軍斷頭心不死壯士歸元背  
欲裂薦紳先生講風義林下優游致身潔書生報國無他  
長罵賊惟憑三寸舌恤緯嫠婦恥獨活執戈鄰童甘永訣  
草茅赴義亦有人白骨雖寒腔血熱萬靈作賓我作主香  
火因緣等檀越作歌私示彰闡義匪以卮詞爭棒喝歌成  
習習悲風生山色湖光兩愁絕

湖州舟中二首

水鄉何黯淡逆旅半無家露氣沈菰葉秋心入葦花戍荒  
飢卒諜野曠陣雲遮倚棹眠難穩山樓急暮笳

菱湖稱巨鎮亂後景淒清華屋將軍帳荒村壯士營稻香

肥戰馬潮湧遏奔鯨困獸岫猶負天河望洗兵

湖郡克復追悼忠節趙公

景賢

浙西湖郡最後失援絕糧空魚腹疾浙西湖郡最後下吳

越兩軍誇並駕

蘇浙兩省會剿

鳴金擊鼓馳紅旗登壇褒鄂威名

垂可憐往日趙忠節誓師嘔盡睢陽血南冠就繫西市刑

遺詩信國傳零丁

公陷賊中作有絕命詩上聞

搢紳先生能拒賊大吏

元戎爭動色蓋棺苛論出鄉閭謬言萬骨因公枯眾口悠

悠何足數河嶽日星白千古

乙丑

同人招泛雨湖和譚生仲修

廷獻

韻四首

藤香館詩刪存卷二

七

飛雨廉纖過浙東濃雲如墨壓長空地餘菱芡供清讌人

戀湖山耐逆風梵響遙傳三竺外詩情近在六橋中窮官

但飲餘杭酒一笑開樽爾我同

無端簪組束吟身偶作中流自在人萬疊煙雲看變態三

生香火證前因山川易動滄桑感濠濮相逢魚鳥親尙有

殘黎談往事湖濱幾歷馬頭塵

兩峰飛瀑響潺湲黛色蒼茫落座間打飯僧忙爭喚渡作

霖雲懶欲棲山湖波淨似名心淡霜葉紅分夕照殷靈景

漸開歸路近樹梢新月挂彎環

故園久閣芰荷衣宦海浮沈與願違劫後家山增眷戀塵

中華墨減光輝金繒結客誰能繼冰雪論心可共依有約  
重陽重載酒菊花同插滿頭歸

次韻答江弼叔二尹

混二首 時同在浙閩

十年下第怨方干通品偏教屈小官文字因緣成沆漉

庚申

節署校藝訂交

風雲際會盛衣冠登龍門峻詩懷壯

派內龍門啟開

列戟

堂深夜色寒月下推敲須仔細關防莫作等閒看

鳳味堂開慶止戈白袍門外列英多荆山劫後留眞璞秋  
水光中試太阿雲路看人文有價風塵老我寐無吡與君  
同作名場客自笑心如古井波

題弼叔龍湫觀瀑圖

藤香館詩冊存

卷二

六

書生慕山水局促居戶庭達官多勝游冠蓋愁山靈亦有  
高隱人守此泉石貞誅茅穿徑苦湫隘拳山勺水名難成

江生曠世才逸興凌青溟東遊齊魯攬泰岱南涉閩嶠窺

滄瀛輶車所至橐筆至目窮雲海胸羅星筮仕近隸浙中

籍湖山佳處停吟旌六橋三竺眼爛熟奉檄更作雁宕行

雁宕之峰七十七離合向背無定形天驚石破龍湫出東

西兩派流縱橫老龍晝伏眾籟息忽聞千巖萬壑鏗鏘鳴

縹緲湘靈瑟淒清子晉笙玉聲璆然雜環珮又疑雙雙童

許朝瑤京仰觀乃在絕頂上飛泉百道流琮琤懸崖倒挂

據勢要一氣歛薄無留滯擬以懸布翦不斷比之曳練色

倍明搏躍豈僅水過潁瀉注不異屋建瓴黃河九曲眾流  
混銀濤一綫萬弩勅未若此瀑極峻潔在山出山無異情  
香爐遙隔靈脈共石磴層折玉花傾靜觀欲探源所發但  
覺山空樹古天容青江生是時大快意眼界開拓心神清  
立泉何落落山溜何泠泠班賦不足擬陸詩不足賡劃然  
長嘯向幽谷湖雁答響湫龍醒壽之圖畫藏篋笥要我禿  
筆相品評我生已被塵海溺故山猿鶴寒舊盟懷嵩樓醉  
翁亭歐陽六一李庶子千秋名勝留公卿奈何棄之追塵  
纓坐令雲壑關柴荆脚韉手版爭送迎名韉利鎖相牽縈  
清濁不辨涓與涇輕重不計淄與澠朝朝聽鼓撐公廳轉  
喉觸諱心怵怵安得山中飛瀑百千道一洗眼前虛橋之  
浮名

藤香館詩刪存

卷二

九

諸同人小飲閒福居醉後題壁二首

出門一笑滿天秋布襪青鞵上酒樓各有離情須強飲來  
朝空挽季鷹舟

楊柳絲絲繫晚秋閒身難得此登樓顛風急浪都經過安  
穩長江一葉舟

挂冠二首

性情不宜官勉強學官樣謬竊循良名忸怩難形狀久有  
退休心亂後事草創兩載併日營湖山幸無恙責重思息

肩宦久防騰謗況我握兩篆兼權糧儲帆飽激風浪引疾眾頗  
譁疑我心怏怏豈知疏散懷夷然淨塵障菴鱸滿江鄉鼓

柵答漁唱

杭人頗德我寒暑無怨咨我亦眷杭人憂樂與共之政成  
遽挂冠心苦難為詞搢紳或見諒父老難周知為我飾循  
聲六街張旌旗為我壯行色載道香花隨時流愛虛譽藉  
此誇去思卻之則矯情受之等自欺申且遂過發不賦留  
別詩

途中雜詩八首

一櫂飄然自在行從今長揖傲公卿奚童未解辭官樂只

藤香館詩刪存卷二

辛

覺詩囊背上輕

菱蘆滿目泛輕航南浦歌驪各斷腸行舟將發丁松生徐杏菴吳仲英李芴洲

汪芴卿譚仲修沈蒙叔諸君邀至西溪水到分湖倍  
庵話別次日復掉小舟相送數十里之遙

嗚咽淚痕愁對沈東陽蒙叔與余聯舟至分湖灑淚作別

風帆淹滯不須愁贏得閒身此臥遊瑟瑟江楓隱漁火計

程今夜宿蘇州

七里鶯花久寂寥吳孃門巷雨瀟瀟吳門董晤楓秋女士樽前掩抑

傷遲暮爭怪司勳鬢影凋

夢迴枕畔響潺潺靜掩篷窗鎖日間偶汲江瀧漱寒齒迴

頭已過惠泉山

碧山紅樹畫中詩風景毘陵譜入詞

浙闡以紅樹碧山無限詩命題陸楫松參

軍作畫余題一萼紅詞浙人多和之

今日停舟親領略隔江嵐翠上鬢眉

賸水殘山古曲阿故人載酒此經過河橋黯淡無楊柳淒

絕蕭孃一曲歌

十年游子老征鞍故國烽煙望不堪明日渡江倍蕭瑟更無畫本似江南

### 鎮江舟中遣興二首

鐵甕城邊又問津寒雲如墨壓重闌風波易動窮途感花月難償宿世因檀板金樽雙狎客隱囊紗帽一閒人  
尚帶杭州酒醉臥江南獨愴神

藤香館詩刪存卷二

三

大江滾滾起蛟鼉坐對寒流喚奈何隔岸山橫看似霧順風帆飽疾於梭烽銷古驛炊煙斷鴉噪斜陽雪意多自笑名心如鷁退通詞底事託微波

### 哀故鄉

短衣匹馬歸故鄉故鄉觸目增悲涼白草滿地如人長覓路不得心徬徨須臾遙見荒城荒焦土一炬同阿房戚友相見神悽惶一生九死留皮囊家無門戶厨無糧支筇作屋籬爲牆嗟我行色方倉皇蝸廬一夕棲歸裝我家更在西山陽村墟寥落逾城廂清晨出郭馳驅忙一鞭徑達桑根旁是時殘月明昏黃蓬蒿手撥尋空堂敗堵堆積如高

岡東西欲辨殊茫茫獸蹏鳥迹紛成行草根咽露啼寒螿  
對之不覺摧肝腸失聲大痛淚湖滂詰朝鄉里來相望腰  
繫犢鼻身無裳面目枯槁形體尪疾痛困苦言難詳可憐  
十載經流亡子遺尙見民風良邀我破屋相徜徉質布賣  
粟羅酒漿卻之義與交鄰妨殷勤酬酢情暗傷嗟我宦途  
艱騰驤廣廈有願奢難償旅資分爾謀稻梁薄俸貽爾滋  
牛羊服田力穡祈豐穰慎毋逐末荒農桑今宵洽比傾十  
觴他年歸老耕山莊天寒歲暮多風霜戒途又泛章江航  
里門冒雪開車晚宿程家市

夢迴疑月光晨起一天雪登車事長征撲面霏瓊屑野曠

藤香館詩刪存

卷二

三

冷人煙山明眩眼纈傲裘尖風欺凍地孤輪齧輿夫誇矯  
健雙腳皴如鐵行行寢懈怠望門思息轍逆旅本同井斗  
酒爲我設酒罷月窺簾映雪兩澄澈

步行出和州城

一路草鞵迹昨宵知有霜行沽尋小市緩步出和陽劫重  
稀煙火城空立堵牆

城磚被髮  
賊挾盡

山光猶繞郭送客憶文昌

圩中遇大風雪投宿舊鄰郭坊者家

荒圩數十里見水不見村滕六欺窮途四野彤雲屯僕夫  
各况瘁奇冷衣無溫舊鄰郭坊者於此築籬樊殷勤邀我  
宿破屋圍頽垣妻孥具粗糲食薄誼則敦緯蕭作臥榻左

右棲雞豚奚啻鸞在笈儼然蟲處禪輾轉不能寐因爍油  
燈昏推門起看天一白遮乾坤蝸廬獲奇觀夜色清吟魂  
申旦急就道隱隱升朝噉解囊出金錢報爾一飯恩

臘八日過皖江大風雷雨揚帆逕發晚泊小孤山

皖公山下逢臘八風勁如刀面如刮雨勢翻盆似盛夏更  
有阿香弄狡黠舟子揚揚喜利濟慮我中流心艱碗我生  
飽慙風濤險苦海沈淪值寶筏老來意境更坦夷笑比浮  
鷗任滅沒順風便作神山遊勇退暫因急流歇爾但使船  
勿計我十幅蒲帆等弩發黃昏逕達小孤山風靜波恬見  
新月辨香卻向小姑獻隱隱佩環降瑤闕

藤香館詩刪存

卷二

三

冒雪入豫章城喜晤李摺綠女夜話

一路飽看雪今朝喜入城咸除逢骨肉老至薄功名酒爲  
衰翁蓄茶呼舊媪烹那知身是客絮語剔寒檠

除夕拜李芝巖觀察遺像感賦四絕

三年別緒憶江干一曲驪歌爲我彈今日我來君去矣丰

神空向畫中看

委質當年拜後塵

余宰嘉興君爲郡守

鸞湖宦蹟久湮淪尋常縞紵

猶追痛况復朱陳是至親

老淚曾因仲氏揮

先仲兄歿君哭之慟

可憐白首竟同歸

君隔歲歿與仲兄同

殯青

雲譜湘雲迢遞魂先返

君先歸葬

斷雁聲聲叫落暉

屠蘇酒熟薦靈筵遺像親瞻一泫然爆竹如雷燈似晝不堪迴首憶庚年

庚申余在章江除夕與君暢談達夜

丙寅

永福禪院訪梅庵和尚卽次近作原韻留贈二首

得得衝泥訪上方時清梵殿也風光六宗衣鉢傳燈錄七寶樓臺護法場遯世何如離俗好談經不爲說詩荒圍腰玉帶經年解蠟屐虛登佛印堂

名山卓錫幾經年佛有高僧算象賢觴詠風流方外少滄桑影事靜中編與梅共證三生果爲鶴新謀二頃田我亦離塵思度脫早知凡骨不能仙

藤香館詩刪存

卷二

五

梅庵和尚疊韻見貽再疊答之

宗風曾不昧西方翰墨能增佛座光半日浮生容面壁十年塵夢悔登場生公說法花都墜彭澤辭官徑已荒安得編茅依淨土聯吟同上歲寒堂

禪堂有結歲寒緣扇額

齋魚粥鼓自年年冠蓋西園集眾賢石古封苔僮不掃籬疏補竹手親編偶談因果消塵障不墮機鋒說福田可惜津亭將解纜隔牆酬唱讓坡仙

胡硯生侍御同年與梅庵比鄰居時相唱和

奉仲兄靈輜登舟附載樟姪姪婦郭亡妾沈之柩各

哭以詩四首

少小同枕被稍長同論文中年上長安同車踏紅塵衰老

仍同舟幽明途忽分大江多風濤常恐驚旅魂添香伴靈  
几黯淡燈光昏酌君君不歆哭君君不聞夜雨滴篷背獨  
聽傷心神

伯兄有五子四子皆出繼長男克承家少年慳一第入貲  
來西江美錦令學製明敏而謹慤足稱佳子弟方壯遽萎  
謝孤兒僅周晬傷哉韓昌黎哭姪揮老淚哭姪須慰兄哀  
痛仍強制今來收汝骨魂兮毋淹滯

昔年蛩蛩交永懷郭林宗午亭茂才生有女公子卷髮方蓬鬆

猶子年相若楠面訂絲牽紅入門作佳婦患難章江從垂

死有遺言首邱累叔汝夫及汝子遠隔江西東楠姪時在皖江

藤香館詩刪存卷二

五

伴汝遣朝雲謂沈伶仃略相同

衰齡作哀詩下筆皆苦語星小更無光渺渺逝何所我來

頻入夢余至西江沈形色增慘沮改斂啟攢宮一面緣留

汝沈為改斂面如生今茲攜汝去遺蛻歸黃土生前味故

鄉從未死後魂誰撫詩成老淚竭燐火集江許

故山掃墓歌以當哭

四郊彌望荆榛遮春風黯淡棠梨花十年遊子返鄉國望  
雲渺渺心咨嗟誓墓文成先祭墓隧道堙填迷舊路可憐  
寒族久凋零墓門轉藉山靈護讀書作宦期光前歐陽文  
字瀧岡阡亂離麥飯且曠廢傷哉寒食寒無煙而今解組

沾微祿荒瑩展拜吞聲哭列鼎難教冥漠知松髡柏禿空  
蒿目國殤新鬼尤堪哀纍纍白骨營成堆族人死難者多  
藁葬不可辨認  
望空灑淚一澆酒紙錢旋旋天容灰

爲吳生仲英

恒

題畫八首

竹樹蔥蘢拂野煙有人倚檻聽流泉泉飛百道剛通窻山  
鳥一聲茶夢圓

密蔭如雲覆院門故人清話近黃昏山中甲子何勞記認  
取濃青淺碧痕

石上三生證舊盟指麾雲樹發幽情天邊月映溪邊水照  
見鬢眉兩兩清

藤香館詩刪存

卷二

三

楊柳絲絲蘸碧波渡頭雙槳疾於梭披圖重入南湖夢煙  
雨樓前聽櫂歌

蕭齋何處著塵埃水淨波平一鑑開十二闌干人不倚月  
明閒殺好樓臺

重重蒼翠襲衣裾萬綠叢中自校書藥譜茶經隨意讀時  
清不用理陰符

荷葉披披遍水涯荷花深處有人家清涼世界清閒福熱  
客門前免泛槎

風景依稀裏外湖段家橋畔柳千株畫船驄馬多如許算  
我西冷餞別圖

將去杭州述懷言別四首

秋風催我賦歸田，蓴美鱸肥送客天。  
薄宦何嘗厭軒冕，清時原許占林泉。  
塵揚滄海人先到，曲譜霓裳夢已圓。  
比似香山更惆悵，西湖曾未住三年。

再造勳名李郭強，補天浴日事堂堂。  
海山豈藉涓埃助，鴻鵠應憐燕雀忙。  
過眼煙塵驚瀕洞，賞心風月偶平章。  
白蘇以後難爲吏，青史何人附末光。

萬口能鑄德政碑，本來面目寸心知。  
茹辛最是持家婦，下子剛逢打劫碁。  
山色湖光終不改，蘋香柳影也相思。  
舊時五馬行春地，慙愧鷓鴣寄一枝。

藤香館詩刪存

卷二

七

驪歌聲裏暮天秋，紅藕香闌翠黛愁。  
鄉夢濃於磔上酒，歸裝輕比鬱林舟。  
江山俯仰悲陳迹，香火因緣感舊游。  
此去鴛湖同惜別，十年鴻爪浙西留。

疊韻留別諸同人四首

笑盟江水說無田，自斷何須更問天。  
內翰一場官是夢，平原十日酒如泉。  
魚龍夜靜潮聲退，河漢秋清月魄圓。  
五十懸車休訝早，公卿強半黑頭年。

強臺重上懶爭強，尤恐移文勒草堂。  
簽判久疏吟嘯熟，琴樽依舊唱酬忙。  
蕉迷鄭客無眞境，錦織天孫有報章。  
老著羊裘從此去，雲臺原不畫巖光。

夫笑貞陽自立碑胡威清最畏人知江湖賸有題襟集黑  
白休論賭郡基好水佳山歸客夢竺雲隄柳去時思他年  
驛使淮南過寄我梅花三兩枝

荻花楓葉滿江秋鼓打迴帆一夕愁憶妓無詩新學道懷  
人有夢獨登舟蜂因蜜熟離香界鳥盼雲深倦遠游回首  
雙高峰在望餘霞如綺碧天留

朱久香學使按臨滁陽郵詩見贈次韻奉酬二首

環山風致振歐陽髦士重登六一堂地有梗枌資斧削才  
如穀玉別豐荒百年宗匠多吳越吾鄉學使多江浙人五代干戈罷  
李唐教得滁人解吟咏用蘇句起衰何止講文章

藤香館詩刪存卷二

天

鴛水曾經侍紫陽又隨童冠共升堂梅迎使節先春放菊  
有孤標耐徑荒詩卷埋塵慙魏野功名執戟老馮唐雲璈  
仙曲從天降下里何堪作報章

久香學使過椒辱臨寓館破屋三椽几榻蕭然清談  
半日而去疊韻賦謝二首

樵蘇不爨漏朝陽天上文星降草堂座有名賢忘境僻室  
如懸磬歎兵荒雲泥略分同韓孟蓬藋論詩辨宋唐可惜  
西園今瓦礫吾邑山尊學士在籍每學使者過境必於達園設宴園今圯更無風月共

平章

冷抱冬心負豔陽歸來擬築退閒堂煙霞錮我追三隱霖

兩看入澤八荒小別湖山縈夢寐望秋蒲柳感頽唐荷衣  
蕙帶平生願懶向公卿乞薦章

丁卯

上巳後二日獨游湖南諸山得詩八首

冠蓋昔遊山來往山靈厭勒移在山椒羞與俗客見罷官  
住湖濱心清百慮遣展禊卜良辰風物喜明豔肩輿借故  
人腰腳苦不健迤邐出莎隄曲折經花澗山靈亦改容笑  
展春風面

日日登湖樓瞻言南高峰穿雲陟山腰欲上憂龍嵒卻步  
至三台巍然馬鬣封草深翁仲臥祠圯丹青空野老爲余

藤香館詩册存卷二

完

言豐碑昔旌忠時無干忠肅安攘誰奏功前徽不可作寂  
寞山花紅

嶺勢凡八盤鬱爲穎秀陽往日梵王宮蕭然贖環堵山僧  
結茅茨香火緜淨土法相本無相長耳義何取遺骸蛻千  
年碧血飛一縷法相寺長耳僧五代時坐化遺蛻至今供  
奉相傳粵賊剽其鼻見血而止今以丹漆  
補之咋舌驚神奇羅拜善男女吾亦妄聽之補入齊東語

山古寂無人陰崖起石屋在山不見山蜿蜒入山腹隱隱  
蟠蛟螭濯濯伏麋鹿四壁阿羅漢鬚眉濛空綠開囊待雲  
歸支磴容僧宿別室更幽窄倒挂山之麓摩崖欲留題捫

蘿首仿觸

深巖息萬籟八音何鏘鏘  
鏘鏘鳴金石清越調笙簧  
循聲入石徑飛泉鳴洞旁  
標題曰水樂借名自東陽  
在山心本清聽之情悠揚  
有聲惜無耳胡乃媚平章  
葛嶺已蒙垢更爲玉淵傷

雨前采新茶多在煙霞嶺  
猱升陟其巔樹影交人影  
我亦策杖登賈勇步思騁  
三息至洞門豁訝氣象迴  
鑿開混沌竅得此奇險景  
清汲洞中泉苦淪山上茗  
石壁鑄千官頭銜今已冷

遊山不覺疲忍飢餐山秀  
一山復一山嵐翠染巾袖  
我逸輿夫勞有境必留逗  
逡巡入理安斗室爭相就  
竹雞噉深林松鼠跳白晝  
惜哉好蘭若歷劫無遺構  
伊蒲供一飽坐歎蓬蒿茂

藤香館詩冊存

卷二

三

嶺壑行不斷路轉見江干  
沿江看山景對鏡螺鬟蟠  
十里達雲棲飛鳥歸林端  
萬竹弄暝色千巖生暮寒  
老僧肅容入禪榻爲我安  
祕笈一編授把卷身心寬  
忽復悟三生夢裏聞旃檀

西湖餞春曲

湖濱女兒貌如花夕飲湖  
淥朝餐霞凌波學盪桃枝  
槳拾翠閒停油壁車一年  
好景從頭記三春風物尤  
妍媚鸞兒飛花上畫樓  
餞春自灑傷春淚憶昔春  
來情事癡招邀女

伴去深閨水仙祠畔花舒錦蘇小墳前柳縮絲尋常花柳  
輸佳麗天然妝束羞時世峰對雙高學畫眉雲看三竺閒  
梳髻顧影含顰不染塵波光如鏡寫丰神昭容玉尺評閨  
秀合作湖山第一人黃龍洞口風波惡楊枝無力菱枝弱  
塵綫誰憐十指忙添衣自覺單衫薄同時女伴繡鴛鴦到  
處桐花引鳳凰鍋號銷金蘭麝貴齋名搖碧綺羅香阿儂  
老向湖濱住儂風憇雨情難訴劫換紅羊好夢虛書沈青  
鳥芳因誤繡佛長齋懶下樓那堪搖落替花愁東君不肯  
留青眼西子緣何也白頭春來春去真無奈一樽親向春  
皇拜櫻筍人誇四月天煙花自了三生債嗟嗟際際傍庭  
柯春去難留可奈何私引花魂裝粉盒靜參絮果託微波  
今年春去愁如擣明年依舊春來早錦瑟驚心五十絃金  
丹爭卻紅顏老門掩青苔太寂寥美人心事付瓊簫餞春  
不見春歸路湖樹如雲罩六橋

藤香館詩刪存卷二

四月二十八日招吳和甫學使存義沈念農少司成

祖懋沈菁士太守丙瑩高伯平院長均儒譚仲修

廣文小集靈隱禪院學使有詩卽和原韻二首

客從柳陰來兩兩肩輿影開徑遙相望地曠樓臺迥吏部  
今壇坫蕭然騶從屏小憩入吾廬先過崇文書院花覆廊檐靜老  
宿健論文活火徐烹茗胸次無拘攣有若樹脫癭眾寶先

後集頭銜各清冷只有孫子荆坐嘯冠慵整

避孫琴西不至

人生

貴適意游息趣分領遂撥菰蒲行不待山靈請

奇峰天外來拱揖祇樹林劫火壞萬象留此梵唄音下馬

入幽徑檜柏羅森森黃姑方浸種微雨釀輕陰斷筍作清

供翛然滌塵襟使者富游蹟飽看天外岑至今巾袖上疑

有蠻煙侵

學使及諸士太守坐間談滇黔名勝

遠述山水勝近攬雲樹深雨

霽游亦倦院靜棲巢禽冷泉似留人冷泠聲鳴琴

遲孫琴西院長不至以詩見貽次韻戲答

山中石鏡明如月黛色蒼茫染巾幘山花滿路山鳥呼命

儔歡侶同嬉娛馬上看山倍幽絕變幻靈奇不可說香厨

藤香館詩刪存卷二

三

小集客忘年佛因仙果詩酒緣先生胡然吝金玉門掩紫

陽清睡足有人相對品螺泉

君攜姬人同住紫陽書院螺泉在書院內

絳帳晝

靜調么絃器之不來子瞻晒此老怕參玉版筍

偕甘竹生觀察

炳

孟芷伯孝廉

沅

掉瓜皮艇泛湖小

飲訪西處再疊前韻

小小湖船如缺月破笠歌風脚不韃勸沽忽聽提壺呼魚

肥酒熟聊與娛醉中長嘯冠纓絕眼底滄桑吾能說紅塵

游戲十三年老來結得湖山緣欬唾成珠屑玉俯唱遙

吟清興足移封何必求酒泉行藏已定難改絃賤子放言

二客晒孤負故鄉好茶筍

醉後同至錢王祠賞新荷三疊前韻

湖心冷浸娟娟月  
仙子凌波試羅襪  
狂來重向舟子呼  
蘭茗翡翠相嬉娛  
到此塵襟宜謝絕  
五代干戈事休說  
我生重觀昇平年  
看花選勝皆因緣  
花中掩映人如玉  
扇影衣香看不足  
畫船清載虎跑泉  
采蓮新曲彈鶻絃  
我輩寒酸游客  
哂書生氣味含蔬筍

仰山樓坐雨四疊前韻

昨宵待月不見月  
草閣生寒重結韞  
曉來綠樹鳴鳩呼  
登樓縱目心神娛  
雨湖風景最奇絕  
筆墨難摹口難說  
湖中社會盛今年  
詩人慣結雨湖緣

湖舫詩會無不遇雨亂點新荷碎珠

藤香館詩刪存

卷二

三

玉西子濃妝膏沐足  
兩峰飛落百重泉  
雨聲相應成管絃  
先生怡顏野老哂  
秧苗怒發如抽筍

孫琴西院長以琉球弟子阮宣詔行人所贈摺扇題

詩見貽用山谷高麗松紙韻次韻賦謝

書生事業蠅鑽紙  
老我青氈與君似  
白袍問字門外多  
海外又來詩弟子  
螺洲蟹嶼煙波寒  
行人愛看中華山  
清風有價世誰識  
只合相攜懷袖間

疊前韻贈琴西

興來濃墨寫黃紙  
內翰風流毋乃似  
弓衣蠻布織君詩  
而今老作村夫子  
紫陽風物本高寒  
吟情何似皖公山  
皖公

山下有孤鶴他日相逢雲水間

醉後湖濱放歌三疊前韻

青天幻作一張紙驀起濃雲潑墨似筆尖卻借雙高峰眼底縱橫無餘子湖波蕩漾湖風寒夢魂飛落棲霞山夜闌酒醒狂態減一鉤殘月明松間

騎馬入城四疊前韻

老來筆力不透紙正與衰翁騎馬似據鞍矍鑠強自豪失笑道旁年少子麥秋已過梅風寒一鞭緩緩經孤山抱關小吏不相識要我駐馬城闌間

古樂府寄吳仲仙督部

藤香館詩刪存卷二

三

迢迢雙鯉魚中有蹇修書蹇修隔千里相思情乃爾持書上妝樓對鏡先含羞豈無好膏沐不上飛蓬頭憶昔年三五新月鬪眉嫵生小居長干未解風波苦叩叩結香囊雙槩來橫塘脫我舊時衣著我嫁時裳梳妝講時世齟齬折腰媚勉強學新人背面偷彈淚漢將出龍城送歡事長征歡去妾何託井水鑿妾貞遠望江頭渡日暮鴉啼樹不怨打頭風但怯沾衣露脫我嫁時裳著我舊時衣妾命薄於葉君情濃若飴免絲附女蘿女蘿施喬柯喬柯陰自好憔悴女蘿老長跼謝蹇修願言住西洲西洲好煙月消遣懊

農愁

題王叔彝觀察

慶勳

詩稿四首

昔我浪遊黃歇浦，海山潑黛水傾脂。  
鶯花旖旎樓臺壯，不抵王郎絕妙詞。

十載黃壚共舉杯，酒人零落不勝哀。

君與余及王冠三都督，余叔平太守人稱。

飲中四豪今王余皆下世。

與君同聽山陽笛，五月江城感落梅。

旗鼓誰甘在下風，登壇牛耳各爭雄。  
涪翁絕調何人續，團

扇而今畫放翁。

昔年同社亡友江弼叔二尹專學山谷君則辦香劍南。

垂老吟情似舊無，一樽招我話蘆鱸。  
綠蓑青箬陪冠蓋，重

補西泠雅集圖。

次韻答陳槐庭四首

藤香館詩刪存

卷二

五

執手重逢兩鬢蒼，老來詩格更悲涼。  
西陵煙月懷前夢，南渡河山指夕陽。  
白社論交同輩少，紅塵逐隊幾人忙。  
萬言有策甘韜晦，君著近言痛論時事非知己不得見笑殺人間燭火光。

十年湖海共題襟，鳳在朝陽鶴在陰。  
楊柳河橋春載酒，梅花官閣夜聯吟。  
憂時偶作張王體，摘豔如傳屈宋心。  
太息南州陵谷改，分飛千里惜征禽。

金莖重得露華滋，親見汾陽釋甲時。  
人以彈冠期貢禹，我於薦牘引袁絲。  
臨安父老新甦喘，橫海將軍又誓師。  
棄置不堪談往事，夾城黃柳自垂垂。

貂蟬滿座各爭輝，叢桂淮南願不違。  
老我經郛迂作計，有

人雲路捷於飛遊山屐齧宜新製掃塔衣成悟昔非往日  
嘖君談佛果揭來一笑兩忘機

諸同人湖舫文會邀泛三潭賞荷雨中折碧簫行酒

四首

文星酒星同一舟載酒來作三潭遊三潭晝寂月韜彩山  
光倒映湖光浮黑雲鷲起東西嶺雲腳參差龍盪影坐中  
各有飛騰心讓我老顛裂風景

荷花世界天清涼綠雲掩冉紅雲香漁童盪槳入花去花  
中驚起雙鴛鴦笑折荷花來侑酒座客傳花各在手衰顏  
羞對六郎姿倚醉狂歌拍銅斗

藤香館詩冊存卷二

美

鐵崖當日游杭州鞵杯行酒恣風流乾紅笑脫太猥褻潔  
癖無怪雲林愁湖中酒器天然具象鼻彎彎帶清露雄吞  
豪吸樂忘歸白玉蓮花無此趣

暮鐘微動林煙疏中流容與行徐徐先生薄醉眾賓送有  
舟不肩泉明輿歸來小向湖樓憩一燈聽雨吟聲細窗外  
芭蕉攪客眠夢魂猶在菰蒲際

六月十八夜偕諸同人泛湖疊前韻

去年今夕掉輕舟藕花香裏娛清游上年今夕泛湖余倚  
聲有自掉輕舟宿藕

花今年今夕湖水漫溼雲徐散金波浮燈火前朝誇葛嶺  
可憐一片流螢影妙蓮說法未荒唐飛楫爭看三竺景

湖心夜永露華涼廣寒宮闕飄天香羣仙高會振文采才  
名壓倒崔鶯鶯狂來催進蒲桃酒月在青天杯在手仰天  
大笑學齊髡此際臣能傾五斗  
作官須得官杭州杭州太守儘風流有官尙苦絆塵緹挂  
冠一笑捐間愁筆牀茶竈浮家具消受良宵好風露欵乃  
中含韶護音幾人解識雲山趣  
銀蟾西向星光疏欲歸不歸心紆徐黃雞唱曉香客盛茜  
紗帷幕蓮花輿酒闌卻向篷窗憩隔林清磬流音細水調  
吟成倚楫歌湖天渺渺波無際

子夜秋歌二首

藤香館詩刪存卷二

七

井梧不禁秋一葉隨風颺題葉寄相思翦作團圓樣  
喜拜七夕星怯拜中秋月牛女不愆期嫦娥終古別

桂之樹二首

桂之樹何扶疏蕊珠宮裏分根株美人千里共明月芳馨  
貽我心踟躕一枝不受塵凡折那有吳剛夜夜伐碧海青  
天伴素娥香輪碎碾黃金屑

桂之樹清且幽娟娟風露媚涼秋秋風拂檻紗衫薄秋露  
侵階羅幘愁誰家玉笛吟三弄良宵吹醒堂東夢夢裏分  
明覺後疑紅絲繫上釵頭鳳

紹興王烈婦詩

枯桐惜孤生苦蘖恥獨活陰陽有正氣造物不能奪淑媛  
鍾名門盪激奉晨昏矢此靡慝心報彼罔極恩婉婉事君  
子玉鏡臺前倚添香伴讀書掃眉學修史天上徵文雄玉  
棺降長空渺渺遮須城迢迢兜率宮夫亡妾何恃古井無  
流水木槿朝暫榮卷施心已死一哭城爲摧再哭天爲開  
所天不可卽愁上望夫臺拔我並頭簪折我同心鈿坏土  
築孤墳黃泉待相見鳴鴉鳴黃桑白衣來道旁夫亡父不  
怙一身無綱常長跪謝舅姑淚盡心肝枯妾死不足痛所  
痛定省虛往日合歡花今爲斷腸草寸草生何爲天荒地  
且老靈旗遠飄搖仙樂雲中招啾啾孤鳳凰哀鳴達九霄  
遺徽光綽楔萬古難磨滅爲補孝女碑匪僅揚貞烈

藤香館詩刪存

卷二

五

秋熱殊甚夜坐湖濱納涼

湖濱孤坐覺更長紅藕花闌葉有香到此尙難蠲熱惱更  
從何處得清涼流螢逐隊爭星彩宿鷺驚飛誤月光衣露  
漸滋秋意逗吟情縹緲水雲鄉

吳山

吳山形勝扼餘杭劫後登臨氣尙蒼小海歌闌哀伍相大  
江潮落拜錢王偏安舊說興龍地薦食翻爲立馬場往事  
追維猶歎息那堪老眼閱滄桑

塘邨道中遇雨

秋雨珍無價能教萬寶成波浮菰米熟風颺稻花輕老鶴  
臨流浴寒蟬抱葉鳴村墟無茶色心慰舊蒼生

嘉興口號二首

一水滌澗三百里秀州風物接杭州當年繡蓋行春路浪  
蓄荒隄草沒郵

南湖舊令西湖安兩地游蹤十二年爭怪使君鬢鬢改道  
旁遺老雪盈顛

滬城權署下榻贈應敏齋觀察

寶時 四首

湖海聯交十五年衙齋道故意歡然魚龍夜靜潮歸壑風  
露秋涼月在天垂老論心參蔗境清談有味漾茶煙南州

藤香館詩刪存

卷二

三

高士慙非我不榻難忘仲舉賢

當年歇浦講防秋半壁山川借箸籌弱水三千迎節鉞金  
錢十萬犒貔貅將軍天上奇兵下烽火吳中劫運收我是

西平舊賓客也曾負羽駐征郵

百蠻重譯海門來坐鎮從容權署開眼底蒼黔連島嶼畫  
中金碧作樓臺市多蜃氣看原幻綃賣鮫人迹可猜安攘

於今關大計和戎魏絳正需才

蠟屐游行自在身相逢車笠倍相親只談風月須邀我飽  
閱炎涼久讓人倦眼怱怱狂買笑新詩跌宕醉題巾與君

偶話無官樂漫羨游仙郭景純

自上海附輪舟至金陵途中漫興四首

屨氣蒼茫結黃浦大艚我我擊銅鼓參軍蠻語催登舟過  
客方耽柘枝舞洋涇小伎彈雲鬢一唱三歎廣陽關今宵  
酒醒宿何處夢落蛟宮煙霧間

風輪火瑯聲隆隆轟雷掣電奔吳淞長江千里在指掌咄  
哉人巧爭天工黃鬢老酋裝束醜碧眼酋奴供奔走殷勤  
侑我琉璃鍾爲語坡仙新止酒

金焦兩山大如拳山涵江氣江涵天南徐風月渺何所泰  
西樓閣高層巔茫茫天塹限南北番舶中流限不得寒濤  
怒吼瓜州城燈火蕭疏雲墨色

藤香館詩刪存

卷二

早

哀江南賦少所習私想蘭成淚於邑中年我亦哀江南眼  
見樓臺成瓦礫秦淮水碧鍾山青木樨重向秋風馨紛紛  
裊屐集多士細數老友如晨星

中秋泊慈湖港

荒郵何寂寞濁酒度中秋煙外響孤笛沙邊眠一鷗美人  
隔天末對月倚樓頭不盡長江水悠悠使客愁

蝮磯

水面危磯聳靈宮圯復修夫人自英武天意劃孫劉火井  
炎炎滅寒潮森森流江聲出三峽遠望蜀宮愁

皖江留別次韻四首

離情結何處殘月艣聲中渺渺煙波窟蕭蕭蘆荻叢鄉心  
憑雁寄客況笑鷗同飽挂征帆去江流本自東

伯氏臨歧問重來計日無生涯浮水鷁身世繞枝烏潮落  
扁舟穩江長匹練鋪聯牀思買宅惆悵故園蕪

江湖常載酒話別最縈愁迢遞鄭君驛逍遙莊叟游題襟  
牽客緒贈策爲吾謀山色皖公好壓裝嵐翠留

老作西湖長停車問字忙故人植萸菊待我作重陽雲水  
浮家慣蓴鱸引夢長何時來卜築耕釣兩無妨

借少玉守齋二梅泛舟秦淮小飲綺琴水閣

廿年不泛秦淮水長板橋頭咽管絃滿地青蕪蟹泣雨半

藤香館詩刪存

卷二

早

林黃葉鳥嘯煙荒畦新蒔瓢兒菜狎客誰題燕子箋閒與  
徐孃談往蹟闌干雙淚落樽前

鄭曉涵明經

由熙

招集綺琴水閣卽席題畫蘭四絕

劫後秦淮水不温美人名士各消魂可憐金粉飄零盡賸  
馥殘膏帶淚痕

畫閣圖成墨未乾心香私爇馬湘蘭天涯歲晏無芳草留  
與蕭郎鄭重看

丁字簾前壁月孤重來往蹟認模糊迷香有徑何人熟讓  
爾風流鄭鷓鴣

風枝露葉影殘春遲暮相逢似有因我是江南吳祭酒當

筵親見畫蘭人

重陽發金陵順風順水半日而至鎮江快甚

朝飲建業水暮汲金山泉吹帽孟嘉風破浪子安船江光  
豁遠慮帆影涵空煙雖無利涉心飛渡亦良便來舟歎偃  
蹇望我豈非仙

道出吳門本欲揚帆徑過丁雨生方伯肩輿相逐並

以披閱祕書爲詞遂入署與莫子偲中翰友芝飲

酒觀書賦此留別兼致子偲

我從皖水經三吳扁舟一葉西風扶揚帆快意奔前途鄭  
公置驛臨郊衢長鬢奴子來相呼津亭早駕雙肩輿不餌

藤香館詩刪存卷二

望

以酒餌以書登堂長揖相軒渠席間函文琳瑯儲芸香祕  
匣檀香幬百城坐擁侔分符旬宣從此文教孚座中有客  
爲鴻儒一生愛作書中魚爲君點訂朝研朱與我五載先

聯裾自言蠟屐游西湖

子偲自  
杭來蘇

孤山曾未覩林逋勞燕忽

復逢姑蘇搏沙蹤跡何常乎菊花釀熟香滿壺銜杯把卷

心神娛漢書下酒遷史俱昌黎一集今所無

所藏宋板史  
記昌黎集絕

住

眼界頓豁塵氛除惜我腹笥空空如十年奔走廳官廳

功名未就學殖蕪老來藝苑重操觚青瑣坐冷人擲揄英  
雄末路堪嗟吁對君奚啻雲泥殊置書作別尋歸臚風聲

獵獵鳴菰蒲

題楊詠春太守同年沂孫吉祥敷坐圖

我昔夢結千佛緣千佛經內多名賢諸天夜靜桂輪合南  
枝北枝陰便娟北枝有人似跌坐君登癸卯北榜形影落落神淵

淵我倚南枝不敢近謂大智慧難比肩天風橫吹墮下界  
證果同在唐山巔乙卯晤君昌化別來忽復逾十稔萬緣起滅如

雲煙塵劫歷盡根柢固飄然卓錫明湖邊今冬重晤君於武林相逢

一笑認面目貝多樹下忘言詮奇花瑞草作供養光風霽

月常流連華鬢玉女忽變老自記云云靜中結想生纏緜居士

白云空色相我疑色相難盡捐文人慧業本灑脫豈同老

衲參枯禪請君浮白當灌頂性情勿以梵偈遷如來歡喜

藤香館詩刪存卷二

應眞笑吉祥花放看年年

十月十二日秦淡如都轉陳稚林楊豫庭兩觀察許

益齋蔡子眞兩司馬爲余預作五十壽設宴江舟

泛至范村肩輿游雲棲夜宿僧舍次日復設宴舟

中暢飲而歸小詩紀之三首

一月主人笑一回今年自正月至九月每月廿七日同人各壽余一次青衫紅袖共

追陪畫船簫鼓中流競清磬一聲渡水來

竹樹參差覆院門上方人靜月窺軒浮生難得桑三宿本

三游雲棲梵唄中宵警夢魂

悟徹拈花許看花江聲悲壯入琵琶夕陽最是黃昏好散

作遙天五色霞

五十自述七首

長年不滿百荏苒過其半少壯一彈指後此何堪算造物  
生斯人恆河沙億萬我於億萬中賦畀特頑健幼無胼胝  
勞終鮮飢寒患托業在士林委質附時彥百劫免網羅一  
官悟露電翩然謝簪組肆志甘肥遯風月足逍遙湖山供  
泮奐卽此終天年長嘯我何恨所嗟見聞陋垂老益遲鈍  
頗思補讀書心強智力困宦途爭事業名山講學問自反  
兩無成何以饜眾論悠悠千年史不敢希佳傳

報 國必致身奚論職崇卑中途奉身退豈無圖報思天

藤香館詩刪存

卷二

四

闔隔九重下風難陳詞憶昔通籍初策名叩 丹墀百里

亦 君恩鴛湖分繭絲歲早拙催科下考臣攸宜束裝赴

燕市覆載沐 鴻慈縣令一微官兩度瞻 朝儀重奉魏

塘檄大地旋瘡痍薦膾先後登 天子屢領頤遂領二千

石權篆至監司豈不樂顯揚才薄數尤奇孟盜非大器滿

注防傾欹挂冠擁青氈抗顏作人師乾坤方奠定文教興

在茲願率眾英才絃誦酬 昌期

祿養不逮親終古同聲哭我昔襁褓年父母苦鞠育四齡

散天花斑駁達面目醫來需參苓典質搜衣服參苓亦不

效呼吸命難續彌留十二朝桐棺市上鬻孤兒息若絲雙

親淚堪沐痛極寢之地生機忽焉復破涕翻爲笑謂兒有  
奇福五齡教兒書隨兄入家塾提撕兼講解經史粗能熟  
十五遽失怙半途幾廢讀慈親重督課膠庠聲望屬高年  
盼科第猶幸聞鳴鹿迨兒觀政時母墓草亦宿孤兒今五  
旬懸車賸微祿在官未壽親自壽罪安贖眾賓雅愛我稱  
觴來不速背客潛吞聲哀思出衷曲

伯兄長八齡懸弧在庚午仲氏生酉年計辰長我五有姊  
長三齡弱弟幼能撫同胞某四人少小團圞聚肩隨侍庭  
闈語言無齟齬每當風雪天活火黃齏煮雙親坐高堂四  
人各接武家釀傾三升引今兼證古但知天倫樂不覺境

藤香館詩刪存卷二

望

貧苦中年遂多艱分飛失雁序姊氏適隴西奄忽歸黃土  
仲氏使章門斯文喪宗主遺我與伯兄千里隔江滸今秋  
往省視多士進修脯意興故自豪精神略消沮何時置枕  
被歸臥桑根墅釣游話童年雞黍招舊侶醉擊老瓦盆歌  
聲達蓬戶

少賤家更貧內助資糟糠廿年臥牛衣艱苦實備嘗寒儒  
博微官翟茀勞稍償伯道苦乏嗣爲我置姬姜助筮未三  
年罡風吹北邙重買玉鏡臺卻扇窺新妝逮下禮數寬小  
星朗有光侍巾逾五稔熊夢仍渺茫旁觀爲我謀宜覓干  
金方有子老懷慰無子中心傷無子洵堪傷作達亦何妨

猶子卽吾子一脈絳書香但祝遲暮年雍和成嘉祥大婦  
計齋鹽小妻佐羹湯常此影共形毋爲角與張衰翁開口  
笑勝侑今辰觴

結交遍東南傾蓋多相識升沈判雲泥顯晦分車笠劫運  
厄疇人驚呼半鬼籍晨星餘落落執手各憐惜謂我周大  
衍過午日易昃一月一壽我佳話播江國生平愛說士孤  
寒時引汲今歲主講帷門牆如鵠立又值詠霓裳羣仙皆  
坐客雲璈逞新製錦箋鬪妙墨作意飾老朽慙愧汗流脊  
兼爲開瓊筵鼓吹日永夕五倫無師弟友朋實同脈酬酢  
忘炎涼風義追古昔衰齡何所求樂此名流集願言傾肝

藤香館詩刪存卷二

膽歲寒盟松柏

相士號半仙相我形貌殊前生老瞿曇今生爲老儒面有  
陰隲文晚景榮桑榆我聞啞然笑素性疏浮屠象教書不  
讀鄙哉酒肉軀赤手謝斧柯善行無由敷五十望富貴毋  
乃翁子徒果依若所言吾將尋故吾西湖叢林多劫後荒  
榛蕪方丈首開闢瓶鉢次第儲募化十萬緡浴佛金重塗  
教主尊香山伽藍奉髻蘇百年得解脫千古歸虛無成就  
過來人免爲俗氛汗無量大歡喜但恐相士誣引作自壽  
詩不堪語妻孥

仰山樓晚眺

夕陽一抹挂疏林天半雲歸宿故岑山影落湖嵐欲活鐘  
聲渡水響疑沈樓臺偶寄登臨興士女能知隱遯心轉是  
無聊得清趣黃昏燈上酒孤斟

十一月既望獨游韜光得詩二十二韻

孟夏風物美命儔訪淨域

謂四月廿八日靈隱之游

咫尺鄰韜光微雨

泥游屐荏苒至仲冬夢繞北山北幸茲氣候煖地鮮冰雪  
積乘興續前游踽踽行蹤僻落葉踏有聲衰草踐無跡興  
夫各賈勇上上徑益仄猿升達峰腰螺旋入林隙遂登最  
高頭靈境金仙闕山門煨劫火佛像委路側莊嚴易變遷  
流峙何終極憑虛恣勝賞蕭然塵慮滌近眺西子湖波光

藤香館詩刪存

卷五

吳

漾空碧遠瞰錢塘江湖痕淨如帛空山作睡態老木含霜  
色藤枯綴果紅竹密翳雲黑馴禽暗窺人癯僧出伺客汲  
泉烹苦茗獨酌意良得但知天地寬不覺身世窄掀髯動  
清興拈毫思疥壁勝地富詩材奇景絕筆力下山近黃昏  
鶴唳諸天寂

許益齋司馬屬題摹本張憶孃簪花圖八首

髻影釵光尙儼然簪花體態最便娟紫雲豈但司勳借身  
後香名又百年

繡閣春溫貯阿嬌東吳風月賽南朝而今金粉都零落雜  
記何人續板橋

自擷芳蘭下綺疏一枝斜倩鬢雲扶曲江春好才人集壓帽宮花似此無

温李詞華豔入時粲花妙舌品蛾眉癡心欲買絲千縷遍繡騷壇七字詩

袞履風流久弗聞美人名士散如雲多情丁卯橋頭客一辨心香繡閣薰

榻本蘭亭體格嘉秋孃依舊好容華廬山何必尋真面同是隋宮翦綵花

幕府才華迴絕倫鬢絲禪榻證前因錢塘江上停橈慣只恐凌波妒洛神

藤香館詩別存

老我江湖醉眼醒鶯花處處感飄零倚樓只合看西子蘇小墳前懶踏青

東軒吟社圖烏程費曉樓丹旭為杭州汪小米先生

作也圖中凡廿七人杭州汪劍秋賦秀水莊芝階仲方杭州黃薌泉士珣項蓮生鴻祚餘杭嚴鷗盟

杰杭州汪小米遠孫高爽泉瑄諸秋士嘉樂吳仲雲振械夏松如之盛汪覺所阜胡書農敬鄒粟園

志初趙雲門誠龔闇齋麗正陽湖趙季由學轍歸安張仲甫應昌武進湯雨生貽汾杭州陳扶雅善

錢蕙窗師曾汪又村迺孫嘉興張叔未廷濟杭州

汪少洪 邁孫 汪小逸 東健 南屏釋松光 了義 海昌

吳子律 衡 曉樓亦自貌焉廿七人中今存者惟仲

雲制軍仲甫中翰而已同治丁卯季冬小米先生

從子子用大令 曾唯 屬題為賦五絕句

觴詠風流老輩傳角巾瀟灑古神仙畫禪詩伯今零落惜

我遲來二十年 圖作於道光甲午余以咸豐甲寅來杭

文字緣聯香火因平泉花木四時春當年已有人琴痛主

客圖中少六人 吟社中尙有杭州孫與人同元永嘉梁久竹子恩杭州張仲雅雲璈姚古芬伊憲周

南鄉三變李西齋堂諸名流先已下世故圖中未載

潭水汪倫作主盟珠盤玉敦集東城雲山韶漢昇平瑞詩

酒中含雅頌聲

清游雅集渺難追解組延陵返棹遲 仲雲制軍今尙僑寓晉省 只有白

頭張子野 近惟仲甫中翰在 畫中人補畫中詩

浩劫紅羊喚奈何故家文物半消磨東軒尙有遺書在小

阮而今補綴多 小米先生遺刻未燬子用近補綴之

藤香館詩刪存卷二 終

男葆楹校字

